

Inatsisartut peqqussutaat Radiomik TV-millu ingerlatsineq pillugu Inatsisartut peqqussutaata allanngortinnera pillugu Inatsisartut peqqussutaat nr. 3, 19. maj 2010-meersoq. (Radio tv-lu pillugit ataatsimiititaliat atorunnaarsinnerat) Atuussimasoq (Historisk)

§ 1

Inatsisartut peqqussutaanni nr. 6 ulloq 14. november 2004-meersumi radio-mik tv-millu i-ngerlatsinermut tunngasumi, Inatsisartut peqqussutaat nr. 4 ulloq 1. juni 2006-imeersukkut allanngortinneqarsimasumi, allannguutissat makku suliarineqarput:

1. Peqqussummi tamakkiisumi ima allaqqasut ”Radio tv-lu pillugit aalajangiisartut” tamarmik ima allaqqalissapput ”Naalackersuisut”.

2. § 19, imm. 3-mi peerpoq ”Radio tv-lu pillugit aalajangiisartut inassuteqarneratigut ”.

3. § 28, imm. 5, 1. pkt.-imi, peerpoq ”aamma Radio tv-lu pillugit aalajangiisartunut , takuuk kapitel 6,”.

4. § 19-ip kingornanut ilanngutissaaq:

” § **19a.** KNR-ip aamma radioqarfiit tv-qarfiillu allat radio-kkut tv-kkullu aallakaatitsisarnermut tunngatillugu maleruagassanik malinninersut Naalackersuisut nakkutigissavaat. Inatsisartut peqqussutaannik unioqqutitsinerusinnaanerit Naalackersuisut uparuaassutigissavaat, inatsisartut peqqussutaat naapertorlugit aalajangersakkat akuersissutinullu atugassarititaasut aallaavigalugit.”

Imm. 2. Naalackersuisut nakkutilliinissaminut atugassaminik KNR aamma aallakaatitsisinnaanermik akuersissummik pigisaqartoq suliffeqarfiup ingerlatsinera pillugu paasisutissanik piumaffigisinnaavai.”

5. § 42, imm. 2, atorunnaarpoq ”Radio tv-lu pillugit aalajangiisartut imaluunniit”.

6. Kapitel 6, §§ 43-49, atorunnaarput, aamma § 10-mi, imm. 1-imi” atorunnaarpoq ”, tak. kapitel 6,”.

7. § 55-ip kingornanut ilanngutissaaq:

” § **55a.** Naalackersuisut makkunatigut aalajangiissapput:

1) Ussassarutit suunerat, sumut tunngasuunerat, oqaatsit atugaanerat aamma annertussusaat, tak. §§ 50-51 aamma § 53.

2) Radiokkut tv-kkullu ussassarutit imarisaat, tak. §§ 52. Naalackersuisut aalajangersakkanik unioqqutitsinerit uparuaassuteqarfigisinnaavaat, aamma KNR imaluunniit aallakaatitsinissamut akuersissummik pigisaqartoq aalajangiinermik avammut saqqummiussinissaannik pisussaaffilersinnaavaat. Naalackersuisut aalajangersinnaavaat tamanna qanoq periaaseqartumik qanorlu iluseqartumik pissasoq.

3) Ussassaarutini aallakaatinneqartuni paasissutissat piviusut pillugit akissuteqarnerit. Akissuteqarsinnaatitaanermi piumasarineqarpoq paasissutissat piukkunnassuseqassasut aningaasatigut allatigulluunniit annaasaqaataasinnaanermut, taakkulu ilumoortuunerat qularnassuseqassanngitsoq. Naalackersuisut piumaffigisinnaavaat KNR imaluunniit aallakaatitsinermut akuersissummik pigisaqartoq akissuteqaammik avammut saqqummiussinissaannik. Paasissutissamut akissuteqaatip qanoq imaqaarnissaa, qanoq isikkoqaarnissaa sumullu inissinnissaa Naalackersuisut aalajangersinnaavaat.

4) Aallakaatitat aningaasaliiffigineqarsimasut suunerannik kikkullu aningaasaliisuunerannik ilisimatinneqarneq, tak. §§ 54-55.”

8. § 56, imm. 1, atorunnaarpoq”, tak. § 46,”.

9. § 59-imi, imm. 1, nr. 5-imi, allangortinneqassaaq ”§ 46, imm. 1, nr.1 imaalillugu ”§ 55a, nr. 1”, aamma § 59-imi, imm. 1, nr. 6-imi, allangortinneqassaaq ”§ 46, imm. 1, nr. 2” imaalillugu ”§ 55a, nr. 2”.

10. § 59-imi imm. 1, nr. 7-mi peerneqassaaq § 48,”.

11. § 60, imm. 3, 2. pkt., aamma § 64, atorunnaarput.

12. Inatsisartut peqqussutaanni tamakkiisumi allaqqasut ”Landsstyret” tamarmik imaalillugit allanneqalissapput ”Naalackersuisut” aamma ”Landstinget” allanneqalissapput ”Inatsisartut”.

13. § 34-mi, § 37-mi, imm. 1-imi kiisalu, § 38-mi, imm. 1, nr. 2 aamma 3, allaqqasut”Namminersornerullutik Oqartussat” allangortinneqassapput ima allaqqalissallutik ”Namminersorlutik Oqartussat”.

§ 2

Inatsisartut peqqussutaat ulloq 1. juli 2010 atuutilissaaq.

Imm. 2. Maalaarutit qinnuteqaatillu Radio tv-lu pillugit aalajangiisartunut ulloq 1. juli 2010 sioqqullugu tunniunneqarsimasut Naalackersuisunit inaarlugit suliarineqassapput. Aammattaaq suliaasat allat inatsisissap piffissami atuutilernerata nalaani Radio tv-lu pillugit aalajangiisartunit suliarineqartut Naalackersuisunit naammassineqassapput.

Namminersorlutik Oqartussat, ulloq, 19. maj 2010

Kuupik Kleist

/

Mimi Karlsen